

Oqaasiliortut Ataatsimiinnerat
Sisamangorneq januaarip 14-ianni 2010 nal. 10.00
Ilimmarfimmi Oqaasileriffiup ataatsimiittarfiani.

Peqataasut: Ellen J.Karlsen, Abia Abelsen, Eva Møller Thomassen aamma Carl Chr. Olsen. Allatsi Katti Frederiksen

Oqaluuserisat:

1. Tikilluaqqusineq

Siulittaasoq tikilluaqqusereermat ilisimatitsissutitut nalunaarutigineqarpoq Oqaasileriffik ilinniartumik tiimmusuaqartussamik ikiortimik pissarsiormat, Inuit nunallu aqqinik sulianik, Oqaasiliortullu suliassa qarfiinik oqilisaaqataasinnaasumik.

Ordbogilerinermik ilisimasallit Pia Jarvad aamma Jens Erlandsen februaarimi sap.ak. 7-imi tikissapput suleriaqqinnissarlu aaqquunneqarluni isumaqatigiissutigineqassalluni.

Nunavummi oqaatsit pillugit isumasioqatigiisitsinissamut Inuit Language Summit-imik taasamut tunngatillugu qaaqqusissut Oqaasileriffimmiunit aamma peqataaffigineqarnissaa nalunaarutigineqarpoq.

2. Kingullermik imaqarniliap akuerineqarnera – akuerineqarpoq.

3. Oqaatsit minutsimut – KNR Oqaasileriffiullu oqaatsit ataasiakkaat pillugit nas-suiaanerit allakaatittalerniarlugit isumaqatigiisutaat Oqaasiliortunit taper-serneqarluni tigulluarneqarpoq peqataaffigiumaneqarlunilu. Oqaasiliortunut ilaasortat makkuninnga aallakaatitsinissaminnik toqqaapput:

Abia: perorsaannermut tunngasut

Eva ilinniartitaaneq

Ellen atuakkialerineq

Puju eqqartuussinermi inatsimmi taaguutit


Katti oqaasilerineq.

4. Unnuk kulturisiorfik pillugu Oqaasiliortut sammisaqartitsinissamik takorluu-gaqangillat, taamaattorli siunnersuutigineqarluni suleriaa-seq/misissueriaaseq Oqaasileriffimmi atorneqartoq pillugu, immaqa ullormi tassanerpiaangikkaluami, nassuiaasoqarsinnaagaluartoq.

5. Bo Nørreslet: Trainerguiden: Tasiorti (16.12.09)

Kingullermi ataatsimiinnermi trainerguidenimut taaguutissatut aalajangiunne-qartoq Ilakannaq Oqaasiliortunit aalajangiusingimaneqaannassoq oqaatigine-

Oqaasileriffik – Sprogsekretariatet



qarpoq.

Tamatumunnga tunngavilersuutigineqarpoq taaguummi Tasiortimi ilinniartit-
sisoq pineqarmat, aammalu oqaatsip tasiortip imarisaani arlaatigut saperne-
rusunut, ikiugassaanerusunut pituttoqarnermik paasineqarsinnaammat, Ila-
kannaamilu inuit marluk akornanni naligiissumik ingiaqatigiinnerat
pineqarmat; tassalu apeqqutaanani sorleq pineqarnersoq.

6. Karl C. Kajusen: initoqut/inikequt (20.06.09)

Apeqqummi matumani oqaatsit taakkua tamarmik arlaatigut
atorneqarsinnaaneri unnerneqarpoq, uanili apeqqutaaginnarluni suna (ini
imalt. nerrivik)/kina pineqarnersoq. Nerrivik imaluunniit ini tassani
apeqqummi aalajangiisuusinnaapput. Assersuutitut taaneqarpoq nerrivik
inimi inikillioortitsippat, taava nerrivik tassaassaaq initoqut, kisiannili inimi
inikequt.

Sumiorpaluutit ilaanni oqaatsit taakkua ilaatigut assigiimmik isumalimmik
atorneqartartut maluginiarneqarsimavoq, taamaakkaluartorli oqaatsit
nagguisiornerini assigiinnequtaat ersertarlutik.

7. Knud Seblon: siunnersuuteqartoq (28.10.09)

Kalaallisut taaguusernissaannut siunnersuutit assigiinngitsut makkuupput:
Serviet, Godmorgen, 32, 45, 3 korns rundstykke, 3 korns rundstykker, 3 korns
brød, Støvsuger, Bus klippekort, Tandtråd, Kommune aamma Internet.

Knud Seblon nalunaarfigineqassaaq ordbogini allaqqareersut ulluinnarnilu
inuit akornanni atugaareersut attatiinnarneqassammata, kiisalu kisitsisinut
tunngasut pillugit, bus klippekortimut, kommune aamma internet pillugit
Oqaasiliortut isummereernikuullutik.

8. Michael Petersen: lysbue (11.01.10)

Oqaasiliortut taaguummut tassunga kalaallisut nutaamik taaguutissamik
siunnersuuteqarput: Innaalaneq.


Taaguutitut siunnersuutip allani atugaannginnera qularnaariarlugu pisortati-
gut taaguutissatut akuerinissaa isumaqatigiissutigineqarpoq.

9. Allat

Saaffiginnissut alla:

Sapaatip-akunnerisa kalaallisut taaguutaannut tunngasumik aperisoq
akineqassaaq taaguusiisimanermi sapaat (sabbat) upperisarsiornermut
atatillugu taaguutitut aallaavigineqarsimasoq.

Aallaqqaammut sapaat kisiat ullunit allanit immikkooruteqartutut periarlugu
taakkua sapaatit akunneriniittut ullut kisitsisaativut malittariinnarlugit
taaguuserneqarsimasut. Taamaattumik 'eqqortoq' malillugu sapaatit



Oqaasileriffik Sprogsekretariatet

akunnerannik taaguuteqartussaagunaraluartoq ulluinnarni atuunitsinni
oqaatsit katitatut pissuseqalersimavoq imaalerluni: sapaatip-akunnera.

Sapaat Sapaat
taakkua akunnerat

Inussiarnersumik inuulluaqqusilluta

Carl Chr. Olsen
Siulittaasoq

Katti Frederiksen
allatsi

Oqaasileriffik – Sprogsekretariatet

Manutooq 1 - Postboks 980, DK-3900 Nuuk, Kalaallit Nunaat. Oqarasuaat/tlf: +299 36 23 26, fax : +299 36 23 21
e-mail: oqaasileriffik@qh.gl, Nittartagarput – hjemmeside: www.oqaasileriffik.gl